

Alkitab Anggen Anak Alit

Tembok Gede,
Pakaryan
Dane
Nehemia



Kasurat olih: Edward Hughes

Kaperagayang olih: Jonathan Hay
Alastair Paterson

Ka tempa saking: Mary-Anne S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.




Persia, panegara ane kuat pesan, dadi pusat pemeritahan jagate. Lan raja Artahsasta ane dadi pemerintah wewengkon Persia. Indike ento ngranayang dane dadi peperintah ane berkuasa pesan. Salah sinunggal pembantun raja ane penting pesan, ipun adane Nehemia anak Yahudi. Tugas danene nyicipin masakan ane lakar kajengan olih raja apange raja bebas uli ajengan ane misi racun.



Sedek dina anu, Dane Nehemia tangkil ring raja raut muane ane ngenah sedih pesan. Raja dot nawang apa sujatine ane sedeng kaalamin oleh Nehemia. Nehemia matur, “Oduh ratu, dumadak ja ratu urip buat selamin-laminnya. Tiang sedih sawireh tongos kuburan bapan tiange sampun uwug lan gerbang kuburane sampun puun.” Nehemia nuturang indik Yerusalem, ane sube benyah uli krana perang makudang-kudang tiban ane sube lewat.



Raja Artahsasta metakon, “Apa ane kenehan kita?” Dane Nehemia nunas, “Icenja titiang lunga ka Yerusalem apange tiang prasida malih ngewangun Yerusalem” Raja Artahsasta setuju pesan. Raja mekelin Nehemia surat perintah buat ngelindungin dane diperjalanan.



Raja ngicen bantuan liu pesan. Dane ngemang Nehemia surat buat Asaf, anak ane ngelah tugas buat nyaga alas druwen raja. Asaf keprentahan buat nyediang kayu ane kaperluang Nehemia buat ngewangun tembok kotane.



Rikala Nehemia neked di Yerusalem, dane ketemu ring salah sinunggal pemerintah kotane lan mebaos bukakene, “Di tepengan ane jani iraga sedeng ada masalah. Kotan iragane sedeng ngalamin kehancuran lan tembok-tembok kotane suba puun amah api. Jalan jani iraga nyumunin buin ngewangun.”



Dane Nehemia nuturang yening raja Artahsasta ngicen dukungan, tur ane paling penting, yening Ida Sang Hyang Widi ane metiningin ipun.



Kepercayaan dane Nehemia lan semangat nyane ngranayang dane liu maan dukungan. Makejang anake setuju teken rencanane ento, lan ngomong buka kene, “Jalan jani iraga buin ngewangun kotan iragane.” Dane Nehemia nuturang teken keluargan nyane ane lenan yening tembok perdamaian lakar buin kawangun, ia lakar ngewangun nganti pragat.



Sakewala tusing makejang anak ane setuju buat buin ngewangun tembok kotane ento. Ada anak muani ane madan Sanbalat, lan timpalne ajak dadua Tobiah lan Geshem,



ia boya anak Yahudi lan ia sing mekenah ngewangun lan mragatang gerbang kotane ento.



Rikala wewangunan sedeng kalaksanayang, Sanbalat memedih. Ia lan timpal-timpalne ngejek anak-anak Yahudi. Tobia ngomong buka kene, “Rikala ia mragatang tembok penyengkere ento, lakar ada srigala teka buat nguwugang temboke ento.” Dane Nehemia sing nyak nyautin omongan anake ento. Dane ngestawa ring Ida Sang Hyang Widi Wasa



apanga Ida Sang Hyang
Widi nyarengin ipun.




Rikala hasutan ne ento sing ada anak ane ngrunguang, ia lantas sepakat buat ngelawan Yerusalem ane ngranayang keributan. Dane Nehemia lantas buin nunas pitulungan ring Ida Sang Hyang Widi Wasa. Dane ngorahin makudang-kudang anak buat me jaga lemah – peteng nganti keadaane tetep aman.



Anak-anak Yahudi makejang semangat megae, lan ia sing dadi lengah. Ia merasa takut yening musuh lakar teka lan ngematiang rikala ia sedeng megae. Sakewala Nehemia sing ja suud ngewangun wewangunan ento. Dane nongosang para penjaga di ilehan anak-anak ane megarapan lan dane masi maosang yening Ida Sang Hyang Widi ane ngiangin lan Ida meduwe kakuatan ngelangkungin kakuatan musuh-musuh ne!



Dane Nehemia dadi
contoh ane melah.



Raja Artahsasta suba
nadiang dane Gubernur di
Yerusalem lan dane ngelah
hak buat nudukin beya
makanan lan pajeg teken
anak-anak ane ada di kotane
ento, sakewala dane Nehemia
sing ngelaksanayang hak
dane ne ento.



Dane tuah terus megae ajake masyarakatne ngewangun tembok kotane ento. Dane nganggon pipis danene buat meli saluiring kaperluane.



Pamuputne, ia nyidang mragatang wewangunan tembok panyengere ento lan ane toden pragat tuah pintu gerbang utama. Rikala Sanbalat, Tobia lan Gesyem ningehang yening kotane ento nu mebukakan, ia ngerencayang lakar ngematiang Nehemia.



Ia mengirim bebesen ring dane Nehemia buat ketemu di salah sinungal tongos ane madan Ono. Sakewala dane Nehemia nawang rencanane ento rencana ane jele buat nyengkalen dane. Dane Nehemia ngewalas surate ento lan ngorahang dane sing lakar ngutang gegaene buat ketemu teken ia.



Wewangunan tembok
ento pamuputne
nyidang kapragatang,



Ian dane
Nehemia ngatur apange
tukang jaga tetep mejaga.



Dane masi ngae
awig-awig, pintu
gerbange ento sing
dadi kabukak nganti
matan



aine
endag.
Yen sube
peteng
nganti semengan pintu ento
harus katutup lan harus
ada anak anak mejaga.



Nah ane jani kotane ento suba dadi kota ane aman, liu anak-anak Yahudi ane ipidan ngungsi ka tongos ane lenan buin mulih ka Yerusalem. Dane Nehemia seneng pesan uli krana dane suba nyidang mragatang pekaryan Widine ane suba keserahang tekenin dane, tur kasulitan-kasulitan ane ada prasida ka atasin. Dane Nehemia nengil di Yerusalem lan nulungin masarakat ane ada ditu apange terus setia ring Ida Sang Hyang Widi.



Tembok Gede, Pakaryan Dane Nehemia

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Nehemia

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

